

續修廬州府志卷五十六

花翎道銜江南安徽廬州府知府清泉黃 雲總修

藝術傳

藝成而下致用則同以贍其家以澤其躬專治則精博涉多通實是可求虛譽非隆

晉

韓友字景先廬江舒人也爲書生受易於會稽伍振善占卜能圖宅相冢亦行京費厭勝之術龍舒長鄧林婦病積年垂死醫巫皆息意友爲筮之使或一作作野豬著卧處屏風上一宿覺佳於是遂差舒縣廷掾王睦病死已復魄友爲筮之令以丹畫版作日月置牀頭又以

豹皮馬障泥卧上立愈劉世則女病魅積年巫爲攻禱伐空冢故城間得狸鼯數十病猶不差友筮之令作布囊依女發時張囊著牕間友閉戶作氣若有所驅斯須之間見囊大脹如吹因決敗之女仍大發友乃更作皮囊二枚沓張之施張如前囊復脹滿因急縛囊口懸著樹二十許日漸消開視有二斤狐毛女遂差宣城邊洪以四月中就友卜家安否友曰卿家有兵殃其禍甚重可伐七十束柴積於庚地至七月丁酉放火燒之咎可消也不爾其凶難言洪卽聚柴至日大風不敢發火洪後爲廣陽領校遭母喪歸家友來投之時日已暮出告從者速裝束吾當夜去從者日今日已暝數十一作里

草行何急復去友日非汝所知也此間血覆地甯可復住苦留之不待食而去其夜洪欵發狂絞殺兩子並殺婦又斫妾二人皆被創因出亡走明日其宗族往收殞亡者尋索洪數日於宅前林中得之已自經死宣城太守殷祐有病友筮之日七月晦日將有大鸚鳥來集廳事上宜勤伺取若獲者爲善不獲將成禍祐乃謹爲其備至日果有大鸚垂尾九尺來集廳事上掩捕得之祐乃遷石頭督護後爲吳郡太守友卜占神效甚多而消殃轉禍無不皆驗干寶問其故友日筮卦用五行相生殺如按方投藥治病以冷熱相效其差與不差不可必也友以元康六年舉賢良元帝渡江以爲廣武將軍

永嘉末卒

晉書
藝術傳

杜不愆廬江人也少就外祖郭璞學易卜屢有驗高平郟超年二十餘得重病試令筮之不愆日按卦言之卿所苦尋除然宜於東北三十里上宮姓家索其所養雄雉籠設置東簷下郟後九日景午日午時必當有雌雉飛來與交旣而雙去若如此不出二十日病都除又是休應年將八十位極人臣若但雌逝雄留者病一周方差年半八十名位亦失超時正羸篤慮命在旦夕笑而答日若保八十之半便有餘矣一周病差何足爲淹然未之信或勸依其言索雉果得至景午日超卧南軒觀之至日晏果有雌雉飛入籠與雄雉交而去雄雉不動

超嘆息曰雖管郭之奇何以尚此超病彌年乃起至四十卒於中書郎不愆後爲桓嗣建威叅軍

晉書藝術傳

陳訓廬江人善相時陶侃周訪年尚少訓相曰二君皆位至方岳功名畧同但陶得上壽周當下壽優劣更由

年耳

康熙志

宋

趙廣合肥人李伯時家小史伯時作畫每使左右久之遂善畫尤工作馬幾能亂真建炎中陷賊賊聞其善畫使圖所掠婦人廣毅然辭以實不能畫脅以白刃不從斷右手拇指遣去而廣平生實用左手亂定惟畫觀音大士而已又數年乃死今士大夫所藏伯時觀音多廣

續修廬州府志

卷五十六

藝術傳

三

筆也

老學庵筆記

章迪字吉老無爲州人隱於醫洞精諸書得鍼刺之術於素問內經以其道掾人傳子濟濟誓救三千人後不復鍼又以父道付子權起病如神米芾表其墓親書碑

石

康熙志

明

李恒字伯常合肥人洪武初擢周府良醫嘗奉旨集袖珍方諸書年老致仕王親賦詩以餞命長史錢塘瞿佑序其事

江南通志

後有方鼎者歛人家於肥工醫能治異疾屢試輒效有貧不能具藥直者施與無倦廬稱名醫必

曰前有李恒後有方鼎

縣志

林時字惟中合肥人善太素脈有一妊婦求治時語其家人曰夏得秋脈定死當在甲申辛酉間果驗

江南通志

吳鵬合肥人習堪輿家言萬厯二十七年礦稅忽開奸人乘隙規利欲徧發霍蓼金斗諸山中官暨祿率黨數十人入郡城人心皇皇鵬爲危論動之全廬得免發掘之擾鵬術甚精所著有五寶經

康熙志

蘇萬彙字毓生合肥人明季諸生隱居讀書精於卜筮嘗言知三奇而不知六壬雖得守貞之要料事無別姦發隱之能知六壬而不知三奇雖有知人之術臨難無全身遠害之方著有遵古奇門陰陽正典

縣志

黃道日字荆卿合肥人道月同母弟也舉於鄉入國子

續修廬州府志

卷五十六

藝術傳

四

監讀書爲一時名流推賞工翰墨行草俱爲世所珍今多膺筆真跡端凝雅重識者能辨之

康熙志

又有沈自新

者號新吾性敏嗜學精書法題中廟鳳凰渚匾額俱聞於時天啟間建府署郡守請書江淮首郡畿輔雄藩八字尤蒼秀老勁

採訪冊

蔚之瑚合肥人精岐黃崇禎辛巳大疫普施藥餌全活甚多

康熙志

駱善永樂間太醫院判胡新成化間太醫能詩士林重之俱舒城人

康熙志

谷濱廬江人累官欽天監監正象緯預陳無一不驗英宗朝屢蒙寵賚加銜至太常寺少卿

康熙志

仰廷宣無爲人性豪放隱於繪事好爲大幅陳繼儒稱之康熙志又有趙修祿者工畫馬嘗寫大士千幅江南通志

郭民安字華臺訓導藩之子巢縣庠生攻醫術遇病者如痼瘵之在身乙亥城被圍民安登埤協守城陷後令以下皆被執不屈賊次第殺之將及民安忽一賊奔救曰八十老翁降之何用殺之何爲因得放歸後追記其人乃昔年窮途病夫嘗施藥愈之者此所以報也弟民

康醫亦有名江南通志

徐體乾巢縣人占易用左邵法與焦氏易林相符契其天文得之劉誠意著有成書又註易解江南通志

楊名遠號萬里昭勇將軍義之後義晚年告老家居留

續修廬州府志

卷五十六

藝術傳

五

心仁術有名醫以女科來謁義命次子師之遂精其術由是傳子孫至名遠爲第八世專精致神益著奇效凡楊氏之習醫者皆師焉康熙志

葉廣巢縣人擅名丹青所寫漁樂圖最著名康熙志

國朝

吳嘉善合肥人事母以孝謹聞通岐黃術崇禎十三年大疫有求醫者應以方藥期於病愈而止不復計酬順治九年旱疫亦如之年九十三始卒康熙志

許學文合肥人精醫尤善幼科著有痘科約言保赤正

脉二書江南通志

葉文舉字公遠合肥人精於醫探丹谿河間之奧多所

全活子天爨性直行方復得秘授著醫宗思知錄又有董生和者其先爲名醫至和九世以能療異疾聞

縣志

程正朝合肥人雍正癸卯舉人精岐黃

縣志

秦堅字屹高合肥人習天官家言嘗入欽天監得聞大西利瑪竇湯若望諸星法及天文諸書後遊浙江言人禍福壽夭皆奇驗客死蘇州其卒之前三日自知死期命子瑞麟具湯沐浴至期無疾而終

縣志

方晉合肥人耿介士也與人交必以誠善岐黃尤精眼

科

舊志

陳于陞字襄筵合肥人善畫其臨摹皆能入古人三昧

舊志

續修廬州府志

卷五十六

藝術傳

六

趙穆尊號兩峰合肥人州同精於弈挾其技客京師歷

游公卿間時稱善弈者均無出其右著有兩峰棊譜

縣志

王星軫字柳湖合肥人性穎悟研究經義弱冠補諸生

陳白雲大令深器重之嗣屢試不第旁通堪輿岐黃不

屑行其術貧人求之亦樂往治不能具其藥給資購之

晚精六壬所占多驗里有窶人欲離婚者出粟助錢止

之著有尊樂堂集待梓

縣志

陳廷芳名嘉瑄合肥人醫有秘傳外症尤抉精奧無不

奏效者孫名載華猶傳其業

縣志

吳夢賚字廣甯合肥人國子生故廬陽外史喆之孫棄儒業醫於書無不讀而女科尤精性廉介屢治人所不

治卒未一射利故託業精且久而貧人以是多之志縣

朱槐合肥人附監生專心岐黃爲世良醫貧苦者給藥不取值郡守申公以濟世婆心匾額旌其門志縣

褚啟彥字西堂合肥人堂兄啟宗弟文倡均早擢巍科肄業成均最久工隸篆名噪都中年八十餘與黃季侯

中丞謝素庭太守張西屏大令楊懷亭都戎王受虛太學孫康衢茂才聯真率會里黨傳爲佳話志縣

譚步蟾字桂齋合肥人監生性豪爽精岐黃診視病者不避寒暑遇貧乏並施藥餌全活尤多志縣

沈理治字子元號芝台合肥人庠生世精於醫壯歲並通奇遁恒獨居小樓存神鍊汞丹將成而目眇其一遂

專方藥時稱妙手其從弟理浩亦善療疾與齊名理浩字漱石深究醫理適道光辛巳時疫大作爰與治採輯古今應驗良方合刻雜疫萃精一書並附醫案周大槐弁其首曰芝台以名諸生工活人之術儒而醫者也漱石以古方伎行濟世之心醫而儒者也芝台善書法漱石妙丹青猶共餘事時人以爲允志縣

竇璞字韞山合肥人子偁裔孫僑寓六安善寫生喜用乾筆草蟲尤得天趣同邑朱坦工山水喜用濃墨氣韻近小米均有名於時志縣

施桂庭字墨癡合肥人善畫獨得南唐界畫法而尤工寫真豆人寸馬妙析秋毫客淮最久多交名流生平樂

易淡然寡營子森柏能世其家學一女適壽州顧姓夫
早卒矢志守節亦工繪事

縣志

王世瑗字橘州合肥人性簡易究心甘石之術中年得
足疾家貧恥干人課徒賣卜以自給貧賤壽夭言多驗
晚歲客壽州苗逆陷城偕妻李氏同饑死著有六壬擇

要

縣志

吳獻字引之合肥人疏野性成以繪地圖復城保從九
以孫建壽從軍擢副將得贈官夙工六法山水專事渲
染竹石小品酷肖晴江家湖濱茆屋數椽囂囂自得晚
號四鼎山樵

縣志

又有吳江春者號岷源善畫梅詠梅詩

尤多著鉏月軒詩草

采訪冊

續修廬州府志

卷五十六

藝術傳

八

馬暹字午亭合肥人原籍桐城世業醫午亭尤精外科
貧者每給藥不取值課子讀書同學寒士恒飲以膏火

縣志

程銑字伯鳧合肥人少喜爲詩游趙響泉學博門最久
後復從包慎伯學書用北魏筆參唐人體積三十年寒
暑不輟書始善同邑靳理純學書於銑亦有名於世袁
甲三督師淮上延入幕一時碑刻多出其羊

縣志

張孝存合肥人增生善畫蘭竹名甚噪有隨定詩草行
世呂賢基贈詩有范叔無聊寒守一鄭虔有幸絕推三

之句

采訪冊

沈家份字曾武合肥人孝友炳著濟人利物不令人知

東關外通津余公二礪历年最久疊次修理不辭勞瘁
任醫學三十年全活甚眾手錄同壽堂藥方待梓子榜
弁性聰敏制行正直業醫承父訓利濟爲心造門求治
者踵相接年六旬沐浴更衣端坐而逝孫理延亦精醫

痘科尤神

采訪
册

陳熙字石渠合肥人以畫著最工寫意人物時稱妙手
姪潮字六川醫士載華子善畫竹石草木而乾皴山水
尤推獨步與叔同游蘇浙寸紙尺幅人寶貴之晚游光
固名愈增重然兩人品性不同用筆亦異熙爲人清正
下筆古峭潮爲人和平觀其畫使人心機活潑

采訪
册

陳載華合肥人世業醫穎悟過人讀書過目輒記十四

續修廬州府志

卷五十六

藝術傳

九

成文兩試不售年十九父歿繼業岐黃苦心研究方書
得其元妙施藥炭不計財拯活人多以此名重一邑華
有兩弟同炊食口五十歲用勉支或謂華曰樹大枝分
豈不聞耶華曰千枝一本合則成陰借我三指活此眾
人不亦宜乎或慚退歲七十嘉慶二十五年疾卒長子
卓雲三子濤四子沂繼其業濤沂名勝於華而術俱遜

云

采訪
册

董承業合肥人候選縣丞金鳳子養親不仕工書善畫
尤長於山水每成一幅人爭乞之秉性端厚鄉里敬服

采訪
册

宋錦字雲屏合肥人秉性誠樸讀書養親幼從楚北張

少白學畫盡得其妙嗣遊金陵時常州湯貽汾以副將乞歸築獅子窟以居畫名滿天下見錦所作賞之邀館其家出古今名蹟與之研究三年業成時四方乞畫者多貽汾間屬錦代作自加潤色見者莫辨旣乃徧覽東南名勝胸襟益廣山水追三王而以石谷爲宗花鳥有南田風致寸箋尺楮爲世所珍金陵陷歸里隨郎中李文安治鄉團明於戰守同治元年文安子鴻章規復江蘇致錦幕下司軍械以功保藍翎五品銜未幾假歸徜徉山水間以畫自娛年七十卒錦工詩兼精音律平生賣畫資盡置祭田身後不名一錢

采訪冊

鍾德沅舒城人候選布政司經歷善書畫工詩賦又有

朱樗者善書法工詩晚號逸休老人著有信天巢詩草待梓陳寶庠生品行端正亦以工詩賦善楷書見稱

采訪冊

查繡林舒城人嗜經史工丹青尤愛林泉有隱士風又有鍾承佩者增生素風雅工絲絃有琴德能詩古文著

有燹餘集

采訪冊

余禮方舒城人善星象天時旱澇先期諭鄉人預防屢

驗人稱之如神

采訪冊

褚正訓舒城人書法仿信本尤善大字人多珍之

采訪冊

徐墉舒城人從九善星相有求決疑者卜筮無不驗

采訪冊

冊

鍾光華舒城人諸生工書客淮揚碑版大書多出其手

縣志
采訪册

鍾承鼎舒城人庠生精通遁甲壽八十三歲終采訪册

童超佐舒城人精堪輿手註陰陽摘要二集行世待梓

采訪册

陶旒舒城人花翎運同銜候選知州性敏捷工詩字尤

善丹青人爭購之采訪册

李登瀛舒城人歲貢生工楷書又有王邦霖者諸生書

法冠時鄉里交稱之采訪册

鮑之俊舒城人增生工書法兼精詩律蔣兆鯉字龍門

庠生性敏善書襟懷曠達樂道自得盧之玫字東玉歲

續修廬州府志

卷五十六

藝術傳

十一

貢能文工書法授山陽訓導未任卒劉廷時字若夏為

諸生有聲工草書尺幅寸楮人競珍之采訪册

許鳳儀舒城人國學生善堪輿邑中宦族多延請之采訪册

册

程亮工字舜卿舒城人五品銜選用教諭屢膺房薦生

徒多人膠庠善岐黃索醫者眾采訪册

曹夢鹿無為人性孝友年十九補郡諸生以文章著相

傳其嘗遊華山遇異人授數術及韜鈴云州志

朱觀乾通志乾
作象無為人清介端方不營生產衣荷食格

援琴自適博通今古書畫堪輿理數諸事皆探微入奧

州志

雍熙日字皞如方如鼎字周從無爲人均工弈稱國手

州志

宋金鏞字杏莊精痘術張名藩字鎮寰精幼科

州志

王朝憲字叔安無爲人精醫能療奇疾治傷寒尤神楊

載字博菴亦以精治傷寒著

州志

李亨字仲仁無爲人工畫花鳥蟲魚皆臻絕妙

州志

蔡宏字秋浦無爲人工染翰豪于游姑蘇韓學士莢贈

以詩云君家濡塢我蘇城衣帶長江一水盈我却利名

君作畫買山生遇賣山生

州志

孔瑜字琢大無爲人官潁上教諭工染翰山水尤佳

州志

陳日烜字東生無爲人廩生候補知縣饒才幹佐戎幕

續修廬州府志

卷五十六

藝術傳

十一

平賊有功尤精書畫爲道州何紹基高弟子子厚植世

其學

采訪冊

朱雲霞字曉亭無爲人歲貢生學淹博工詩能文兼精

山水北苑法

采訪冊

劉岱無爲人生乾隆時身處承平樂志瀟洒不求仕進

善畫八駿馬神俊超軼人爭寶之嘗居五華山寺自在

樓嘯歌自適

采訪冊

夏渚字愛溪無爲人工書與梁巘相頡頏弟榕字味癡

書亦有古意畫尤高出一時子姪五六人俱以畫名

采訪冊

冊

夏潢無爲人諸生工詩善書尤長於丹青嘉慶間遊京

師爲質王藩邸上賓筆墨頗爲時寶貴居三年歸王所
敦留之以親老辭册 采訪

夏屋號半弓無爲人善畫山水逼近石谷老人筆意册 采訪

黃松號愛山無爲人同鄉劉岱高弟子善繪事人物山
水皆工八駿尤擅勝場姪楨字仿眉世其學册 采訪

彭鑑號蘭圃無爲人性豪放風雅絕倫畫規蕭尺木得
其神似志乘圖本皆其手筆册 采訪

夏湖號柳州無爲人善畫山水宗北苑派淡遠有神册 采訪

黃鐘號竹虛無爲人工書行草逼近懷素太守唐景皋

續修廬州府志

卷五十六

藝術傳

十三

購其遺迹珍藏之册 采訪

蔣一鏗號半山無爲人庠生八品銜通經史精堪輿著
有地理備要册 采訪

羅元鐸號檻泉無爲人監生精幼科施方藥不受謝造
門者眾册 采訪

黃學林字香圃無爲人工畫樓閣人物爲世所珍貴册 采訪

高大福號仰之無爲人工畫寫真尤逼肖册 采訪

何澧號竹溪無爲人性豪爽喜交遊善畫樓閣人物花
卉皆工寫生尤勝册 采訪

葉蓁號台三無爲人諸生力學精醫方技多神效又有

郭東山精岐黃有重名采訪冊

張暹號蘇門無為人善書畫工詩醫學亦精妙采訪冊

黃益齋無為人從九銜少孤貧壯遊江浙精術數星命

卜筮往往多奇驗采訪冊

倪仲榜號墨海無為人太學生性孝友遇事持正工書

能作擘窠大字采訪冊

徐芳無為人廩生有文名工書善畫采訪冊

金準號正之無為人增生廉介善醫嘗製藥饋貧者采訪冊

張甫字仲山無為人性情淡定通經史工書善畫采訪冊

王昂號鑑湖無為人武生善丹青山水花卉人物采訪冊

續修廬州府志

卷五十六

藝術傳

十四

張培彬字德廣無為人性質直喜吟咏精通醫理廣以

濟人子孫亦世其業采訪冊

張鵬翼無為人廩膳生謹厚精醫決人生死多驗采訪冊

張鉅辨號寬齋無為人性情古質篤孝工圍棋訂有圍

棋新式一卷采訪冊

徐鶴號侶仙無為人監生善畫初業農嘗以耒鍤畫田

區間作人物形逼肖既卒業遂獲盛名踵門求者無虛

日不娶無子歿後所居草廬三間忽自焚佚其遺稿采訪冊

蔣宴春無為人文生工詩精岐黃一意濟人不受謝著

有杏林詩草采訪冊

陳立基號湖村無爲人監生孝廉方正聲之父也性聰
穎博極羣書工詩能文尤精醫著有醫方輯畧二卷施
方劑不受饋不憚勞道光辛卯己酉大水瘟疫流行鄉
鄰有舉室病者徧爲診視活人無算享年九十有四五
世同堂季子超監生有父風傳其業冊 采訪
丁正恒無爲人武生工畫人物花卉俱精山水尤冠絕
一時冊 采訪

吳紹唐字葉峯無爲人庠生書法秀健近率更冊 采訪

孫霖字雨三無爲人庠生精醫方珍其技不輕應求者
冊 采訪

洪烜號載治無爲人性慈精醫貧者施方藥並飲以錢

續修廬州府志

卷五十六

藝術傳

十五

歲暮雪出粟餉禽鳥著有濟陰通弦集行世又有洪學

純者亦精幼科冊 采訪

吳元松無爲人精醫授太醫院吏目著有脉訣一部冊 采訪

吳克潢無爲人增生工詩文兼精岐黃得其奧旨求之
者日盈門活人無算冊 采訪

楊漢三字世傑無爲人文生饒品學工指畫梅竹又楊
同甲字午橋候選吏目淡名利以醫畫自娛冊 采訪

侯咏字笏軒無爲人善畫精眼科著有眼科彙宗冊 采訪

邢步巒無爲人庠生素習六王尤精堪輿之術通經史
百家鄉里咸稱爲績學之士冊 采訪

謝應寬無爲人尙孝友崇信義讀書不倦精堪輿尤精卜筮星命之學多奇驗人咸以君平日之

采訪册

徐登雲字忠齋無爲人爲人正直精堪輿子德鏞世其學好義疏財鄉里德之

采訪册

易承緒無爲人熟習靈樞素問女科尤精决人生死時日不爽投劑立起者百數十人里中稱之

采訪册

王振槐無爲人工詩善書畫

采訪册

劉鐸無爲人從九銜兄永森俱善丹青鐸寫真尤逼肖

采訪册

徐華南無爲人善畫同治元年皖南鎮王索繪皖南及徽甯池太諸府地圖用達干部中

采訪册

鄧堃無爲人善畫山水人物

采訪册

張家傳無爲人善丹青

采訪册

劉輔秦無爲人太學生屢試不售棄儒就醫古今醫書無不通曉遇貧士分文不取著有脉理大全

采訪册

張振乾馮聖傳崔冕俱巢縣人工繪事

縣志

陳夏璜號鈞磯巢縣人太學生精岐黃術凡有疑難諸症求醫者雖夜雨必往按脉貧不較價富不索謝年七

十猶矍鑠

采訪册

陳夏聲號禹門巢縣人邑廩生品學兼優以授徒爲業門下多知名士尤精易理凡疑難請卜之吉凶判斷不爽士林服之

采訪册

姜漁號笠人巢縣人工書善畫其於花卉翎毛人物均
擅長僑寓姑蘇陳芝楣中丞延爲上賓

縣志

唐懋沅唐大有陳丹亭均巢縣人皆布衣擅丹青沅工
人物有工花卉丹工翎毛各臻其妙

采訪冊

錢冰號雪友巢縣人太學生工書兼繪山水用筆超妙
一如其性之高曠

采訪冊

劉鈞元號衡夫巢縣人從九善丹青花卉翎毛各極其
妙漁浦曾孫也太守莊子封贈以楹帖云聲華豈是邀
虛譽翰墨原來有本真可想見大概矣

采訪冊

劉汝選巢縣人縣丞善書尤精篆刻
許芹號學圃巢縣人太學生工隸篆善丹青

采訪冊

續修廬州府志

卷五十六

藝術傳

十七

劉泗沛號二水巢縣人布衣工鐵線篆所鐫硯銘尤精
善

采訪冊

祖清廉祖清政巢縣人兄弟皆善繪山水廉尤工花卉
翎毛

采訪冊

陸泗濱號嶧山巢縣人縣丞工詩善畫行書得右軍法
冊

采訪冊

俞大旭巢縣人精幼科痘癘雜症應手而愈

縣志

班樹勳號補愚巢縣人從九性簡默精岐黃幼科尤擅
遠近就醫者門如市焉

采訪冊

錢浩號樂天巢縣人太學生工草書其子若泉諸生亦
善草書

采訪冊

孔廣汶巢縣人太學生精岐黃晚年自號次良人采訪冊

竇朗照巢縣人居中埠鎮精外科臨危症必預決其成

敗嘗以自製應驗丸濟無力不能購者年七十六召其

子請戚友肅冠而坐忽拱手向眾曰永別矣遂暝采訪冊

陳致遠巢縣人太學生精外科疑難諸症就醫者立刻

奏效采訪冊

俞江巢縣人從九精岐黃專幼科心期濟世遇貧不能

延醫者恒施藥以濟之鄉里咸稱道焉子鳳儀世其業

采訪冊

竇善興巢縣人監生朗照孫也善岐黃醫名甲江左求

其拯救者不納謝有祖風采訪冊

續修廬州府志

卷五十六

藝術傳

十八

查宗樞號禹峯巢縣人精理方脈心期濟世著有傷寒

錄待梓凡貧病不能醫者解囊施藥以助其子富炎富

生克繼父志鄉里稱道采訪冊